

普洱府志稿卷之四十五

人物志八

仙釋 方技附

自犧農至于周國無異教民無異俗所行者皆聖人之道也洎秦世而有神仙之說漢世而有佛法蔓衍近千年而不可遏其人雖多游手游食然其為教也清靜寂滅無望無礙故狂狷之士亦多遁于是焉普洱遠在荒裔黃冠緇流之蹟亦甚寥寥茲並方技合為一册俾有所攷云

阿柏 思茅六因夷人生即嗜佛好靜寡言不茹葷酒稍長入山跌坐晝夜不移五六日不食亦不饑後不

普洱府志稿

卷之四十五

人物志八

仙釋

知所終 雲南通志

吳道士

他即步龍村人年九十餘精神強健工符劾厭以符勅制收為僕從有所驅使迅速無倫凡插秧刈

穫等事不須人力只於夜間作粥令其鬼挑赴田邊次日粥盡而工畢矣後道士他出家人易其鬼所

衣符之服其鬼脫去至今郡人豔稱其事採訪

余成龍

他即城中乾旱延之祈雨甘霖立沛不爽時刻後

不知所終境人祀之中岳行宮內其結茅處祈雨往

往有應今為祈雨壇古木陰翳極幽曲清淨之致慮

段姓

思茅易武人不詳其名少失怙事母至孝工於導

引吐納之術母故祭葬如禮入漫乃關帝廟苦修

五十餘年坐化其徒葬之後有見其騎虎間游山林間者或卧小溪旁亦有虎守之墓在漫乃採訪

方技

尹中和 字致堂他郡人精岐黃術譽聞遠近嘉慶二十一年咨部給劄生平活人甚多為時所稱採訪

楊益中

字澤沛鎮沅諸生值西逆擾亂寄寓他郡為人揮霍好義精岐黃術凡病者求方投藥一劑即瘥遠近皆知名城陷賊偽帥亦重幣禮敬之而益中不屈焉採訪

普洱府志稿

卷之四十五

人物志八

仙釋二

一